

قصة قصيرة

# حوار ثقافى

أحمد البياز



# حوار ثقافي

أحمد الباز

حديقة الضاد

دار احبة الضاد للنشر الالكتروني

تصنيف العمل: قصة قصيرة

المؤلف |ة: أحمد الباز

تصميم الغلاف: مروة عاصم

الاخراج الفني: آية سحير

دار احبة الضاد للنشر الالكتروني

رئيس مجلس الإدارة:

هدير إبراهيم

أحبة الضاد

سلمى جمال

اقام الاستاذ محسن فهمي مدرس اللغة العربية و الاستاذ مطيع العاصي مدير المدرسة الابتدائية و الشيخ سامح نصر الدين امام مسجد القرية "حوار ثقافي" فى القرية كنوع من المساهمة المجتمعية لتوعية اهل القرية.

فى جرن الحاج عبد المتعال خلف المدرسة الابتدائية الساعة الرابعة عصرا بعد ما كل الناس خلصت اشغالها تقريبا، يجلس الثلاث محاورين على المنصة امام اهل القرية كلها و يتوسطهم و يدير الحوار الاستاذ مطيع العاصي المدير و على يمينه الاستاذ محسن و على يساره الشيخ سامح، يجلسون و امامهم زجاجات الماء الباردة و المياه الغازية باشكال و اصناف متعددة و المراوح

تهفّف عليهم، و امامهم يجلس اهل القرية  
يلهثون من الحر القائظ و تراب الجرن قد  
ملئ خياشيمهم، بدأ المدير مطيع الحوار  
قائلاً:

-بسم الله الرحمن الرحيم، ايماننا مننا بدورنا  
كمربين للاجيال و مراقبين و مقومين  
لافكار اخواننا في القرية و بدورنا في  
تثقيفهم و رفع وعيهم قررنا نحن اقامة  
"الحوار الثقافي" بشكل دوري يوم الخميس  
من كل اسبوع، و قد قررنا نحن موضوع  
الحوار اليوم عن "التسامح و تقبل الاخر".  
و بصفتي مدير المدرسة، احب ان ابدأ  
الكلام ثم اترك المجال للاخوة الافاضل.

الانسان فينا ميقدرش يعيش في بيئة بيشر  
انها بتكرهه، صعب انك تشعر بالانتماء تجاه

مكان بينفرك منه، بتحس ان افراد المكان رافضينك و رافضين افكارك و قيمك و مبادئك، فبتحس انك كاره المكان ده و عايز تسيبه و تخلع بس بترجع تقول دي بلدى و ارضي مينفعش اسيبها، فبتدخل فى ازمة ما بين انك تسيبه و تهرب من مشاكلة ولا تقعد و تستحمل عشان بلدك، فبتسأل نفسك سؤال مهم جدا، ايه هو الوطن ده؟ هل هو قطعة الارض اللي احنا عايشين عليها ولا الافراد اللي عايشين معاهم ولا هل المكان ده المؤسسات و الوزارات و غيرها؟ و لكن باختلاف الاجابات و الزوايا اللي بنطرح منها السؤال بتظل المشكلة اللي انطرح عشانها السؤال قائمة، احساسك بكره الناس اللي حواليك ليك و رفضهم لقيمك و مبادئك

و افكارك، او خليا ما نبالغش و نقول ان  
معظمهم مش كلهم، و هنا نسأل سؤار  
تاني، هو ايه اللي خلاهم رافضينك من  
الاساس؟ هل عشان انت مش شبيههم؟ هل  
عشان هم شيفينك شخص تالف و بايظ و  
سئ السمعة؟ و هل كونك كده من الاساس  
لو افتراض صحة نظرتهم عنك هل ده يديهم  
الحق انههم يضطهدوك و يقرفوك فى  
عيشتك؟ ولا انت اساسا اللي من البداية  
الى مكبر الموضوع و محدش مهتم بيك  
عشان يحبك او يكرهك؟ بس لو جردنا  
الامور لاسبابها و عواملها الاولية هنلاقى  
ان السبب هو الاختلاف. كونا مختلفين و كل  
واحد بينا بيفكر بطريقة شكل، و ان احنا  
مش متفقين على راي واحد و فينا ناس

مبتمشيش مع رأى الجماعة و قاداتها و  
دايما بتخرج عليه هو ده السبب  
للاضطرابات و الاختلافات، سبب المشاكل  
يخونا هو الاختلاف، يعنى لما نبقى عيلة و  
راجل البيت قال نتادى سمك مشوى و تلاقى  
كل عيل بشخة يقولك انا عايز سمك مقلي لا  
اللى يقولك انا عايزه فى صينية لا قال ايه  
محبش السمك و حاجة اخر قلّة ادب و  
سفالة، العيال عايز تخالف رأى آبائها  
عايزين يخرجوا على رأى قائد  
الجماعة، عايزين يكسروا رأى كبير البيت ده  
حتى رينا قال فى القرآن الكريم بسم الله  
الرحمن الرحيم "ولا تقل لهما أفٍ" صدق  
الله العظيم، و الادهى من ده كله العيال اللى  
بتيجى تقولك، والله انا مش عاجبنى كلام



الشاعر الفلاني، انا حاسس ان احمد شوقي  
هنا كان بيبالغ فى التعبير، الواد من بجاحته  
بيعدل على احمد بيه شوقى، عايزين يعدلوا  
على ناس كل الكتاب و النقاد اتفقوا عليهم  
انهم نبغاء فى مجالهم، فدى واحدة من اكبر  
مشاكل التفكير اللى بيكون مخالف  
للجماعة، و ده كله بيؤدى فى الاخر الى ان  
ينتشر ما بين الناس افكار فاسدة و الحادية  
و ينتشر ما بينا الكره و الحقد من الاقلية  
اللى بتكون غالبا غلط تجاه الاغلبية، و ده  
كمان خطره بيكون انه بيفرق صفوفنا و  
بيضعف وحدتنا و بيسهل الطريق على  
المتربصين لبلدنا و عايزين يوقعوها و  
يدمروها و ياخدوا خيرها و ينتشروا، لذلك يا  
جماعة لازم نلتف حول رأى الجماعة و

نعلى من شأنه، و تنبذ اى محاولات دنيئة و فاسدة للاختلاف و تمزيق الصف و خيانة الوطن، اللى هو اغلى ما نملك و اغلى من انفسنا حتى.

تصفيق حار من الجمهور و المحاورين للمدير .

-و الان حان دور الاستاذ القاضل و مربى الاجيال الاستاذ محسن فهمى معلم اول لغة عربية و فطل اللغة فليتفضل.

"تصفيق حار"

-شكرا لكم جميعا و اخص بالشكر الاخوة المحاورين. كما اوضح فضيلة الاستاذ طابع العاصي اهمية التسامح و تقبل الاخر و عاقبة التباغض و الاختلاف فى الراى و كم

من رذيلة تنجم عنهما، و ان آثمهما لو  
تعلمون عظيمة. و كما قال الشاعر:

ورأى الجماعة لا تشقى البلاد به

ورأى الفرد يشقىها

و هنا لا بد لنا ان نقف و قفة تبين و تدبر.  
ماذا جنينا من كثرة النقاشات و الحوارات و  
الجدالات و المهاتراتو ما يسمونه من تبادل  
الاراء و الافكار؟! لم نجنى سوى  
الانقسامات، حينما تكون هناك مناظرات  
ادبية كانت او علمية او دينية الى آخره ماذا  
يجنى الناس منها سوى التحزبات و  
الانقسامات، ماذا ستكون العاقبة من ان لو  
احتفظ كل منا برأيه لنفسه؟ ما الضرر من  
ان يكف العامة عن الكلام عن مدى صحة  
النظريات الفيزيائية او عن مدى جودة افكار

الغزالي و ابن رشد، ما الكارثة التي ستحط علينا؟ ما الضرر الذي سيلحق بالامة؟! على مر العصور لم تفضي تلك المهاترات الى شئ سوى التحزبات و التفرقة و ما تأول اليه الامور فى نهاية الامر الى تكفير بعضها البعض، ابسط مثال على ذلك، المرأة التي تناقش دائما زوجها ولا تطيع او امره الا اذا اقتنعت، تلك امرأة ناشذ لا يحبها الله و تلعنها الملائكة.

يقاطع الشيخ سامح الاستاذ محسن قائلا:

-اسمحلې اقاطع حضرتك يا استاذ محسن  
لكن المرأة ال حضرتك بصدد الكلام عنها  
دى كلامك عنها طبعاً صح و لكنها لا تلعنها  
الملائكة، شكراً لاستماعك.

-العفو يا مولانا و اشكر حضرتك على  
الملاحظة العظيمة دي، طب ليه بقي الست  
دي ربنا مبيحبهاش و بيغضب عليها، لانها  
بتهدم بيتها بايديها بعصياناتها لجوزها و  
لمجادلتها ليه على الفاضية و المليانة  
المرأة اساسا ناقصة عقل و دين يا جماعة  
مهما خدت شهادت و كورسات و دورات  
و درجات علمية ده ميشفعش انها ناقصة  
عقل و دين، لذلك الرجال قوامون على  
النساء و رأي الرجل هو اللي يمشي، و هنا  
احب اكد على النقطة ال اتكلم عليها  
الاستاذ طايح، ان مينفعش باي حال من  
الاحوال نعصي ولاة الامر و قادة الامة، و  
ولاة الامر دول مش الحكومة بس الراجل  
في بيته ولى امر، المدير في مدرسته ولى

امر، المدرس في فصله ولى امر، الشيخ في مسجده ولى امر، كلكم راعٍ و كلكم مسؤول عن رعيته، نرجع تانى لنقطة النقاشات، و هنا احب اذكركم قصة عن الامام مسلم رحمه الله يؤكد على كلامى ده، الامام مسلم في احدى نقاشاته احد الناس احتج عليه بحديث هو مكاتش حافظه، فاتصدم و احس باهانة كبيرة، رجع على بيته فورا و دخل مكتبته وسط كتبه و مجلداته ببيحث عن الحديث، زوجته جت تنده عليه للغدا رفض و قال انه مش هياكل قبل ما يلقى الحديث ده، فكان في حد اهدالهم بلح رطب حوالى ٢٠ كيلو فالست سابته جمبه يتسلى فيه و هو بيدور على الحديث، الراجل من كتر اندماجه و انشغاله بالبحث محسش بنفسه

و هو بياكل العشرين كيلو بلح لحد ما معدته  
تمزقت فمات. شوفتوا يا جماعة عالم جليل  
مثل الامام مسلم رحمة الله عليه مات بسبب  
نقاش مع احد الناس، لذلك بنقول ان عامة  
الناس و البسطاء و الدهماء "يشير بيده  
الى الناس" مينفعش يناقشوا ولا مسألة  
ابداء الراى بالنسبة لهم حاجة مهمة. اذا  
المعادلة بسيطة يا جماعة؛ نبطل نقاشات و  
كلام كثير، نعدم الخلافات و الاختلافات اللى  
بتيجى من الكلام الكثير. حتى من المأثور  
عن العرب "من كثر كلامه كثر خطاؤه".  
نبطل كلام، مش كل حاجة نقعد نهري فيها  
و نفتى، مش كل شوية نقاشات و جدالات  
فارغة، يا اخى عندك راى احتفظ بيه لنفسك  
هى الحكاية ناقصة وجع دماغ. و ها قد

انتهيت من عرضي لافكارى، و اسلم دفعة  
الحوار لاخى و حبيبى الشيخ سامح.

"تصفيق حار"

-اشكر اخوانى و احبابى فى الله الاستاذ  
محسن و الاستاذ طايح و احبيهم على  
كلمتهم الدسمة و الغنية و المليئة بالفكر.  
اسأل الله ان يزيدهم من العلم و من فضله  
اما بعد، يا ايها الاخوة الكرام، ان الله قد  
كرم البشرية بالاسلام و انعم علينا بخير  
الانام سيدنا و مولانا و مصطفىنا محمد ﷺ.  
فوجد صفنا و الف بين قلوبنا و انهى عصر  
الجاهلية الظلماء و انهى العصبية القبلية و  
التحزبات ثم ما انفك ان انهى النبى دعوته  
ان تركنا على المحجة البيضاء. الارض  
ارض الله و الدين دين الله و الانسان بكل ما



فيه هو ملك لله وحده، فلا يجوز مخالفته ولا التعدي على حدوده ولا عصيان اوامره، فيقول الحق سبحانه و تعالى فى محكم كتابه: اعوذ بالله من الشيطان الرجيم بسم الله الرحمن الرحيم {تلك حدود الله فلا تعتدوها و من يتعدى حدود الله فأولئك هم الظالمون} صدق الله العظيم.

نستدل من ذلك ان طاعة الله و التزام حدوده و الامتثال لاوامره و نواهيه هى غاية المسلم الاولى فى حياته. فكيف للمسلم ان يعيش و هو معتدٍ لحدود الله ظالمٌ لنفسه فيسأل سائل:

"ما علاقة ذلك بموضوعنا يا مولانا؟"

اقول ان منشأ الضغينة و الكراهية و الفساد و كل الهبث مرده الى عصيانه الله و عدم

الالتزام بحدوده، فنحن و الله نعيش فى اخر  
الزمان، ترى النساء متبرجات فى الطرق  
و العياد بالله كالعاهرات تحت مسمى الحرية  
الشخصية، ترى الابناء و العياد بالله  
يعوقون آباءهم تحت مسمى الحرية  
الشخصية، ترى الناس و العياد بالله  
ينساقون وراء تلك الحضارة الاوروبية تحت  
مسمى التحضر و التمدن، فليذهب ذلك  
التحضر و ذلك التمدن الى الجحيم!! كيف  
للمسلم ان يعوض ربه؟! تلك الافعال تورث  
الضغينة و الكراهية بين الناس، عصيان  
المرأة لزوجها يورث الكراهية، عصيان  
ولى الامر يورث الكراهية، اي معصية او  
فسق يتم تحت ستار الحرية يورث الفساد و  
الكراهية، فكيف للمجتمع المسلم القويم

السليم ان يستقيم بتلك الفِعال، هذ اول الامر، اما ثانيه، هي علاقة المسلم باخيه المسلم، من عوارض تلك الثقافات الاوروبية و قيمها الفاسدة ان اورثت لنا افكار الوطنية و القومية و اخى فى الوطن و اخى فى العروبة، تلك الافكار جعلت المسلمين يتعاملون مع من سواهم كمعاملتهم للمسلمين حد السواء، يقول المولى عز و جل "ولا عبد مؤمن خير من مشرك ولو اعجبكم" صدق الله العظيم. ابعد هذا القول يا عبد يا محدود الفكر و العقل تقول صحبة الكافر غير المسلم خير من صحبة المسلم او ان الكافر المصرى خير لى من المسلم غير المصرى. تلك الافكار تورثنا الضغينة و الفتن بين المسلمين و

تشق صفوفهم، ان المسلمين اخوة، المسلم الحق يا اخواني لا يعترف بحدود ولا قوميات ولا الاعلام التي صنعوها، الارض التي تعلقى لا اله الا الله محمد رسول الله تلك بلدك ووطنك الذي تموت فداءً له، قال الرسول ﷺ فى حديثه الشريف: "المسلم للمسلم كالبنيان المرصوص يشد بعضه بعضا" صدق رسول الله ﷺ، ماذا تريد بعد كلام الله ورسوله؟ تلك العلاقات و ما نسميه قوميات اليوم هو سبب تلك الخلافات و النزاعات بين المسلمين و شق صفوفهم و تدهور احوالهم و علاقاتهم بكل الكفار حولهم و افكارهم الخبيثة و الدنيئة التي غرضها هدم الشريعة و الدين الثويم و لكن هيهات لهم، لن تسقط امةً قائدها المصطفى

ﷺ ، فى نهاية قولى اؤكد على ان خلاصنا من ذلك التباعد و الكراهية و السبيل الوحيد للتسامح و قبول بعضنا البعض هو الامتثال للجماعة و لأولى الامر، قطع كل العلاقات الودية بكل من هو دون المسلمين من الكفرة و الفساق و توطيد علاقتنا بكل من هو مسلم، ذاك هو الحل.

"تصفيق"

يختتم المدير ذلك الحوار قائلا:

-قد انتهى ثلاثتنا من تقويم افكاركم و مناقشة ذلك الموضوع الحساس و نتمنى ان نكون قد وجهنا افكاركم نحو الطريق الصحيح و الى لقاء عساه قريب.

"تصفيق حار"

بعد انتهاء التصفيق ينهض احد الشباب  
محاوياً الادلاء بوجهة نظره قائلاً:

-حضرتك يا سيادة المدير كنت حابب اضيف  
وجهة نظر مختلفة ش...

يقاطعه المدير قائلاً:

-اكنم يلا!

تمت بحمد الله